



Bou ons kinders vir môre

Sondagskool 3

Les Titel: Die storm op die meer

'n Ouerhandleiding

Sondagskooltuisonderrig



Liewe Ouer

Welkom by die les oor Die storm op die meer

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus en Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Konfirmasie-onderwyser indien u ondersteuning vereis of bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel

Die storm op die meer

Lesdoelwit

Die kinders leer dat

- Jesus Christus die Seun van God is
- Hy mag oor hemel en aarde het
- Wanneer Hy by ons is, ons nie bang hoef te wees nie

Lesopsomming:

- Die dissipels was baie bang vir die storm. Ten spyte van soveel tyd wat hulle saam met die Here deurgebring het, het hulle steeds nie vertroue in Hom gehad nie. Dit is waarom hulle Hom wakker gemaak het en gevra het of Hy nie bang is om te verdrink nie.
- Jesus Christus is so magtig dat Hy die hemel en die aarde kan beveel. Hier het hy die storm stilgemaak en ons weet van baie ander wonderwerke wat Hy, terwyl hy hier op aarde was, gedoen het.
- Ons probleme en vrese kan vir ons net so groot soos die storm lyk, maar as ons op die Here vertrou sal Hy ons ook help en vir ons leiding gee.
- Die Here het eers die storm stilgemaak nadat die dissipels om hulp gevra het; Hy het nie uit sy eie gehelp nie.
- Ons moet ook vir God om hulp vra en ons vertroue in Hom plaas. Hy is ons Verlosser en niks is vir Hom onmoontlik nie.



Wat beteken hierdie les vandag vir ons?

- Hierdie les vertel ons dat:
 - Jesus die Seun van God is. As ons in die Here glo sal ons ook die wonderwerke in ons lewens kan sien.
 - Hy alles kan doen en almagtig is; geeneen van ons probleme is te groot of te klein nie.
 - Ons op die Here moet vertrou, dankbaar moet wees en ons probleme in gebed na Hom moet neem. Ons hoef nooit bang te wees nie.

Sommige vrae wat ons kan vra:

1. Sou jy bang gewees het as jy op die boot was?

Antwoord: Ja, ek sou gewees het. Die water en storm is baie vreesaanjaend.

2. Watter ander dinge in jou lewe maak jou bang?

Antwoord: Om alleen te wees; die donker; spinnekoppe; monsters, ens

3. Hoe dink jy kan ons van hierdie vrese ontslae raak?

Antwoord: Deur ons vrese en probleme na die Here te neem in gebed. Ons kan altyd enige iets vir die Here vra. Nie een van ons probleme is te groot of te klein nie. Die Here sal altyd luister. Ons moet vertrou dat die Here in ons lewens sal ingryp en dat Hy sal doen wat die beste is.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te gaan haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.